

Vlada Kantona Sarajevo

Na osnovu člana 19. stav 1. Zakona o plaćama i naknadama organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo ("Službene novine Kantona Sarajevo", broj 10/16) i člana 26. i 28. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 58. sjednici održanoj 06.10.2016. godine, donosi

UREDBU

**O ODREĐIVANJU VISINE PLAĆA I NAKNADA
ORGANA UPRAVLJANJA I DRUGIH ORGANA
INSTITUCIJA KANTONA SARAJEVO, KANTONALNIH
JAVNIH PREDUZEĆA I JAVNIH USTANOVA ČIJI JE
OSNIVAČ KANTON SARAJEVO**

POGLAVLJE I - OPĆE ODREDBE**Član 1.**

(Predmet Uredbe)

Ovom uredbom se uređuju kriteriji na osnovu kojih će se institucije Kantona Sarajevo, kantonalna javna preduzeća i javne ustanove čiji je osnivač Kanton Sarajevo, utvrđene u čl. 2., 3. i 4. Zakona o plaćama i naknadama organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo ("Službene novine Kantona Sarajevo", broj 10/16) (u daljem tekstu: Zakon), razvrstati u platne razrede kojima će biti određena visina osnovne mjesečne neto plaće (u daljem tekstu: plaća) i naknada u organima upravljanja i drugim organima institucija, kantonalnih javnih preduzeća i javnih ustanova (u daljem tekstu: organi upravljanja).

Član 2.

(Kriteriji za određivanje platnih razreda)

Kriteriji za određivanje platnih razreda plaća i naknada za organe upravljanja su:

- a) za organe upravljanja iz nadležnosti Ministarstva zdravstva, Ministarstva privrede, Ministarstva komunalne privrede i infrastrukture, ~~Ministarstva za rad, socijalnu politiku, raseljena lica i izbjeglice~~, ~~Ministarstva za boračka pitanja~~, ~~Ministarstva kulture i sporta~~, ~~Ministarstva saobraćaja i Ministarstva pravde i uprave~~; *→ izborni*
 - 1) broj stalno zaposlenih u instituciji Kantona Sarajevo, kantonalnom javnom preduzeću i javnoj ustanovi čiji je osnivač Kanton Sarajevo,
 - 2) godišnji ukupan prihod.
- b) Za organe upravljanja iz nadležnosti Ministarstva prostornog uređenja, građenja i zaštite okoliša:
 - 1) način finansiranja (samostalno finansiranje, djelimično finansiranje iz Budžeta Kantona Sarajevo, potpuno finansiranje iz Budžeta Kantona Sarajevo),
 - 2) finansijsko poslovanje u posljednjih pet godina (pozitivno, negativno i pozitivno, negativno).
 - 3) način poslovanja (pod tržišnim uslovima ili povlašten položaj),
- c) Za organe upravljanja iz nadležnosti Ministarstva obrazovanja, nauke i mladih:
 - 1) broj stalno zaposlenih u javnoj ustanovi čiji je osnivač Kanton Sarajevo (predškolskog, osnovnog i srednjeg obrazovanja),
 - 2) godišnji ukupan prihod,
 - 3) obim poslova i odgovornost za obavljanje dužnosti za rektora Univerziteta i dekana fakulteta/akademije i direktora instituta.

POGLAVLJE II - PLATNI RAZREDI, PROSJEČNI KOEFICIJENT I VISINA PLAĆE I NAKNADE**Odjeljak A. - Platni razredi za određivanje plaća i naknada organa upravljanja iz nadležnosti Ministarstva zdravstva****Član 3.**

(Platni razredi za određivanje plaće organa upravljanja iz nadležnosti Ministarstva zdravstva)

Platni razredi prema kriterijima iz člana 2. tačka a) podtač. 1) i 2) ove uredbe za organe upravljanja iz nadležnosti Ministarstva zdravstva, razvrstavaju se na slijedeći način:

Platni razred	Broj stalno zaposlenih	Koeficijent broja stalno zaposlenih	Godišnji ukupan prihod (KM)	Koeficijent godišnjeg ukupnog prihoda	Prosječan koeficijent
I	441 i više	1	54.000.000 i više	1	Prosječan koeficijent = (Kof. stalno zaposlenih + Kof. ukupnog god. prihoda)/2
II	371 - 440	0,97	47.000.001 - 54.000.000	0,97	
III	301 - 370	0,95	40.000.001 - 47.000.000	0,95	
IV	221 - 300	0,93	33.000.001 - 40.000.000	0,93	
V	150 - 220	0,90	26.000.001 - 33.000.000	0,90	
VI	101 - 149	0,85	19.000.001 - 26.000.000	0,85	
VII	71 - 100	0,80	12.000.001 - 19.000.000	0,80	
VIII	31 - 70	0,75	5.000.001 - 12.000.000	0,75	
IX	Do 30	0,70	Do 5.000.000	0,70	

Član 4.

(Prosječni koeficijent i visina plaće za organe upravljanja iz nadležnosti Ministarstva zdravstva)

- (1) Prosječni koeficijent iz člana 3. ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.
- (2) Visina plaće za direktora iz nadležnosti Ministarstva zdravstva se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.
- (3) Iznos koji se dobije na način propisan u stavu (2) ovog člana predstavlja visinu plaće direktora.

Član 5.

(Naknade organima upravljanja iz nadležnosti Ministarstva zdravstva)

- (1) Predsjedniku i članovima upravnog odbora, nadzornog odbora i drugih organa naknade mogu iznositi:
 - a) predsjedniku 15% od utvrđene plaće prema čl. 3. i 4. ove uredbe, za direktora ili organa rukovođenja drugog naziva javne ustanove čiji je osnivač Kanton Sarajevo,
 - b) članovima ovih organa, naknada se umanjuje za 25% u odnosu na predsjednika.
- (2) Naknade iz stava (1) ovog člana ne mogu biti veće od maksimalno utvrđene naknade u Zakonu.

Odjeljak B. - Platni razredi za određivanje plaća i naknada organa upravljanja iz nadležnosti Ministarstva privrede**Član 6.**

(Platni razredi za određivanje plaće organa upravljanja iz nadležnosti Ministarstva privrede)

Platni razredi prema kriterijima iz člana 2. tačka a) podtač. 1) i 2) ove uredbe za organe upravljanja iz nadležnosti Ministarstva privrede, razvrstavaju se na slijedeći način: